

DEPORTE LOKAL

WILLEMSTAD—Despues ku Remko i David Bicentini a yega Kòrsou djarason último, kual Deporte Vigilante a hasi publikashon ayera ku nan yegada ta relashoná ku un proyekto, tabata ayera ku a logra kòmbersá ku Remko, riba e proyekto.

E eks tékniko di nos selekshon nashonal di futbòl i aktualmente asistente tékniko di e selekshon nashonal di Sümam, huntu ku Stanley Menzo, a duna algun detaye pa ku nan plan.

“Tin hopi famia na Kòrsou, ku no tin e moda finansiero pa nan yunan por práktika un deporte. Esaki unda ku mester sòru pa e materialnan nesario i entre otro paga kontribushon. Tin inkluso ku nan situashon tampoko ta duna pa sòru pa pan pa e muchanan bai skol, kua ta pone ku tin ta skohe pa mal kaminda. Ku bista riba esaki, semper nos ta kla pa duna bèk, sakando un man pa Kòrsou”. Relashoná ku esaki, Fundashon Bicentini, representá pa Remko, kende a yega Kòrsou ku su junior David Bicentini, ta traha



Muchanan lo bai kompetí den bario, den e deporte rei futbòl.

durante di e próximo dianan, riba un proyekto, dediká na hóbennan lokal.

Ta trata aki di un torneo di futbòl ku ta karga e nòmber ‘Van straat naar stadion’, ku no mester di ningun splikashon di e idea. Lo bira tambe evento, konosí komo un torneo di fut-

‘Van straat naar stadion’

“Fundashon Bicentini Street League”

bòl entre muchanan di diferente bario, yamá “Fundashon Bicentini Street League”. E meta di e evento ta pa for di chikí, sin importá e situashon ku famia ta den, kon pa traha huntu, kompetí, gana i perdè i pa ta un persona ehemplar den komunidad, disfrutando deportivamente.

Lo bira un evento anual, unda lo guia hóbennan pa ta aktivo den deporte i ku e meta

pa durante di e promé aña, ta aktivo i responsabel den famia, na skol, den deporte i riba kaya.

Esaki lo bira un kompetensia pa partisipantenan te ku 16 aña di edat, ku e meta pa inisiá ku alrededor di 12 ekipo. Lo bira evento, ku ta kombiná ku anochinan informativo di diferente tópiko i tambe klínikanan deportivo. Ya tin barionan ku a mèldu i mustra interes pa e promé edishon, unda ta trahando pa pone kosnan kla. Entre otro, ya otro siman lo tin un reunion tambe ku e coachnan ku a mustra interes. Sharetsy Dometilia, embahadora di e fundashon tambe ta trahando duru, pa ku e proyekto.

E inskripshon ofisial, por tuma lugá entrante luna di yùni benidero, unda esnan interesá por manda un mail na info@fundashon-bicentini.org.

Falta solamente un finalista den klase A di FeVoKo

WILLEMSTAD---Solamente e seri entre e ekiponan maskulino di Watakeli i Montezuma, no a yega su final ainda. Un ke otro pa loke ta rekta final di kampionato 2023/2024 di vòlibòl lokal, den kategoria klase A.

Esaki despues ku e demas serinan buskando e finalistanan den tantu maskulino komo femenino klase A a tèminá den 2 wega. Esaki unda ku a hunga serinan mihó di 3 wega.

Den femenimo Stakama-

hachi ta pasa pa final, unda nan lo topa Watakeli, den e lucha pa e titulo.

Mientras ku den maskulino, Stakamahachi a eliminá Titus den 2 wega sigui, pa pasa pa final. Titus ku ta e kampionnan di temporada pasaa, asina no ta logra pa por defendé nan titulo.

E kontrinkante di Stakamahachi, lo bira sea e ekipo Watakeli òf Montezuma. Den e promé wega di e seri, tabata Watakeli ku a logra triunfo, djaluna último.

Mientras ku djarason tras di lomba, tabata den partido ku a dura mas ku 2 ora, ku Montezuma ta logra triunfo, pa asina empatá e seri i fòrsa e di 3 i wega desisivo di e seri.



Stakamahachi wardando nan kontrinkante, pa e seri final di vòlibòl maskulino, klase A.

FDDK ku ‘Fiesta di Ekselensia’



Direktor di FDDK, Virgilly Winklar, ku ta tras di organisamentu di e evento di e fin di siman aki na Kòrsou.

WILLEMSTAD---FDDK, ku ta e Fundashon Desaro Deportivo Kòrsou, ta organisá un selebrashon grandi, mañan djasabra dia 13 april 2024, na Brionplein. Esaki entre 7’or i 9’or di anochi, pa selebrá e kulminashon di Weganan Interinsular 2024. Nos hermana islanan di Kòrsou, Boneiru i Aruba a partisipá den un evento di deporte i amistad.

Relashoná ku esaki, mañan riba fecha di e klousura, FDDK ta invitá abo tambe pa

disfrutá di un atardi animá ku músika, entretenimentu, komo parti di e seremonia ofisial di e klousura, unda lo anunsiá i nombra e ganadónan di e kompetensianan den e diferente deportenan. Pues un gran oportunidat pa uni i festehá e logronan di nos diferente hóben atletanan di islanan ABC.

E evento lo karga e nòmber di “Fiesta di Ekselensia!”, unda lo konta ku presensia i animashon di entre otro ONE Flavaz i Adjatay, Luis Moka, Rocco Franken, DJ Ramil i Explosion Dancers.